

Қандай амал мени жаннатга сазовор қиласди?



14:11 / 06.11.2018 3779

Пайғамбаримиз соллаллоҳу алайҳи васалламнинг марҳаматга оид баъзи ҳадислари:

“Умматимнинг саралари ўқиган намозлари ва тутган рўзаларининг кўплиги билан эмас, юракларининг тозалиги, кўнгилларининг кенглиги ва барча мусулмонларга марҳаматли бўлишлари билан жаннатга кирадилар.

Марҳаматлиларга Аллоҳ марҳамат қиласди. Ердагиларга марҳамат қилсангиз, кўкдагилар ҳам сизга марҳамат кўрсатишади.

Марҳамат қилмаганга марҳамат қилинмайди. Кечирмаган одам ўзи ҳам кечиримга сазовор бўлолмайди”.

Молик ибн Анас ривоят қиласди:

“Расулуллоҳ соллаллоҳу алайҳи васаллам буюрдилар:

“Тўрт нарса сенинг зиммангда мусулмонларнинг ҳақлари жумласидандир:

1. Яхши ахлоқларни қўлламоқ.

2. Гуноҳкор мусулмонлар учун тавба-тазарруда бўлмоқ.

3. Касалларни кўргани бориб, шифоланишини тиламоқ.

4. Гуноҳлари юзасидан тавба қилиб, ёмон феълларини ташлаганларни жондан севмоқ.

Ҳазрати Мусо сўради:

- Эй Раббим, мени қай сабабга кўра тақволи бандада сифатида қабул қилдинг?

Рабби буюрди:

- Махлуқотингга марҳаматли бўлганинг учун.

Саҳобалардан бири Абуддардо болалар тутиб олган чумчуқларни улардан пулга сотиб олар ва:

- Оқ йўл, омон бўлинглар! - деб қўйиб юборарди. Пайғамбаримиз соллаллоҳу алайҳи васаллам шундай марҳамат қилдилар:

- Мўминлар бир-бирларига раҳм-шафқат, марҳамат, севги ва дийдор бобида бир вужудга ўхшайдилар. Вужуднинг бир аъзоси касалга чалингандা бошқа аъзолар ёрдамга келиб, касалликка қарши ҳимояга ўтадилар, бирга қаршилик қиласилар.

Бир кун Исо Алайҳиссалом Иблис билан учрашиб қолади. Иблиснинг бир қўлида асал, бир қўлида кул бор эди. Ҳазрати Исо сўрайди:

- Эй Аллоҳнинг душмани, бу асал ва кулни нима қиласан?

Иблис жавоб беради:

- Асални ғийбатчиларнинг лабларига сурман, токи ғийбатни мазза қилиб давом эттиrsинлар. Кулни эса етимларнинг юзига сепаман, токи ҳар ким уларни ҳақир (эътиборга нолойик) кўрсин.

Пайғамбаримиз соллаллоҳу алайҳи васаллам етимлар борасида баъзи ҳадисларида шундай дейдилар:

- Етимларнинг йиғисидан Арш ҳам титрайди.

Аллоҳ айтадики:

- Эй малакларим, отасини тупроқда йўқ қилганим бу болани ким йиғлатди! Кимки етимни егулик ва ичгулик билан (нон-сув билан) таъмин этса, ё боқиб олса, Аллоҳ унга жаннатни вожиб қиласи.

Ҳикоя қилишларича, Иброҳим Алайҳиссалом тамадди қилишдан олдин бир-икки чақирим айланиб юарканлар, дастурхонга бирга ўтиришга одам ахтарарканлар.

Бир кун Ҳазрати Али йиғлаб ўтиради. Кўрганлар нега йиғлаётганини сўрашди. Шундай жавоб берди:

- Етти кундирки, дастурхонимга битта ҳам меҳмон келмади. Аллоҳнинг назарида эътибордан қолганга ўхшайман. Шундан қўрқиб йиғлаляпман.

Бу мавзуда Пайғамбаримиз соллаллоҳу алайҳи васалламнинг баъзи ҳадислари:

- Ким Аллоҳнинг ризоси учун бир очни тўйғазса, унинг учун жаннат вожибdir. Кимки бир очнинг тамадди қилишибга монелик қилса, Аллоҳ қиёмат куни ундан фазилатини олиб қўяди ва уни азоблайди.

- Сахий киши Аллоҳга яқинdir, жаннатга яқинdir, инсонларга яқинdir, жаҳаннамдан узоқdir.

- Бахил киши Аллоҳдан узоқdir, жаннатдан узоқdir, инсонлардан узоқdir, жаҳаннамга яқинdir.

- Аллоҳнинг наздида жоҳил, лекин саховатли киши обид, лекин бахил кишидан севимлироқdir.

- Қиёмат куни бўлганда инсонларнинг тўрт тоифаси сўроқсиз, саволсиз жаннатга киради:

1. Илмига амал қилган олим.

2. Аллоҳ ризоси учун ҳажга борган ва бундан кейин ўлгунча ҳеч ёмонлик қилмаган киши.

3. Исломиятни тушунтирум оқ ва ёймоқ мақсадида иймонсизлар билан урушган ва шаҳид бўлган киши.

4. Ҳалол мол-мулк орттирган, сўнгра риёга бериilmай ва кўз-кўз қилмай, бу молини Аллоҳ йўлида харжлаган сахий киши.

Мана шулар «олдин сиз киринг», «сиз киринг» қилиб, бир-бирларига йўл бўшатиб, бир-бирлари билан муноқаша қиладилар.

Ибн Аббос ривоят қилади:

Аллоҳ Расули билдирилар:

- Аллоҳнинг шундай бандалари борки, бошқа бандаларининг манфаати учун уларга кўп неъматлар беради. Ким бу манбаатлар устидан баҳиллик қилса, Аллоҳ у неъматларни олиб, бошқасига беради.
- Саховат жаннат дарахтлари орасида шундай бир дарахтки, шохлари бу дунёда кўриниб туради. Ким бу шохлардан бирига ёпишса, у шох уни жаннатга элтади.

Жобир ҳикоя қилади:

“Пайғамбаримиз соллаллоҳу алайҳи васалламдан: «Қайси амаллар фазилатлироқ, эй Аллоҳнинг Расули?!» – деб сўрашганда:

- Сабр ва саховат! – деб жавоб бердилар.

Яна саҳобалардан бири Пайғамбаримиз соллаллоҳу алайҳи васалламга шундай деди:

- Эй Аллоҳнинг Расули, айтинг-чи, қандай амал мени жаннатга сазовор қилади?
- Едирмоқ, ҳар бир шахснинг соғлигини тиламоқ, гўзал ва тўғри сўз айтмоқ мағфирати мужиб сабаблардандир.

Абу Ҳомид Ғаззолий,

“Мукошафат-ул қулуб” китобидан